

AD CARDINALITIAM

43

Quæstio Medica, matutinis agitanda disputationibus, in scholis Medicorum, die Iouis, 3. martij,
M. Nicolao Ellain, Doctore Medico, moderatore.

An sui ætatum ut tempestatum morbi?

EXIMIA, sed inconstans hominis valetudo innumeris contra naturam affectuum velut hostium incurfionibus vndique percellitur, è quibus morbi partium corporis substantiam obfident, earumque functiones primò & per se trifariam lædunt. Ipsorum alij communes, qui sub eadem forma multos cuiuscumque ætatis, naturæ & cōditionis simul corripunt, seu vernaculi sunt & indigenæ, *Ἰσχυαίοι* quâvis anni constitutione continenter grassantes, seu populares & aduenæ, *ἐπιδημιοί* certo duntaxat tempore in plurimos confertim sese effundentes: qualis sæpe fuit Pleuritis vel dysenteria cū hyemi austrinæ ver successit aquilonium: Alii dispersi, qui sub multiplici specie singuli singulos aggrediuntur. Hic Causo exardescit, alter anginâ suffocatur; iste nephritide cruciatur, alius ictero deturpatur. Ad omnium generationem non tantum efficientis robor & *ἐνέργεια*, sed etiam suscipientis dispositio & *ἐπιρροή* potissimum requiritur.

AD morbos infligendos, æris per puncta rerum meabilis, quàm cæterarum causarum vis efficacior, in totius anni constitutionibus tempestatumque mutationibus ita conspicua, vt non tantum earum alienatio vel alteratio, sed & sola *κατὰ διαδοχὴν* conuersio *νοσποῦς* existat. Ac inter anni conditiones siccitates imbribus quidē salubriores, suas tamen habent præter naturam affectiones, acutas febres, tabes, arthritides, strangurias. Auster auditui grauitatem, oculis caliginem, capiti dolorem, vniuerso corpori torporem ac dissolutionem infert. Boreas tussis, faucium asperitates, alui duritiem, dysuriam, horroremque potius quàm rigorem excitat. At ex anni temporibus ver dysenteriam & anginam à sanguine procreat, grauedinem, raucitatem, tussim à pituita, maniam ab atra bile, melancholiam à fæculento succo, epilepsiam à quouis redundante: denique lepram, impetiginem, vitiliginem, exanthemata, tubercula, & arthritidem profert & suscitatur.

TOT morborum fluctibus placidissimâ tempestate iactamur. Reliquis etiam grauiores commouentur. Æstate febres ardentes in vasis, tertianæ in habitu, viræque phlebotomia curandæ, carbunculi, partium obscenarum *ὑπερδύες*. Autumno quartanæ, omnium securissimæ, hydropes scirrhi, lienis confectiones, lienteria ventriculi propria, vt intestinorum dysenteria; ab atra bile lethalis, tabes remediis superior, asthma, voluulus, ichthias, epilepsia, mania, melancholia. Hyeme pleuritis & peripneumonia, tunc grauiiores quàm ætate, lethargus, vertigo, apoplexia febre superueniente mitescens, capitis, lumborumque dolor. Atque hi tempestatum familiares affectus in ipsis bene constitutis, & cum *ἀπαίσι* sunt *ἀπαίσις*, bene morati sunt, *ἀποποιήσις* *ἐνκενέσις*: vbi verò intempestiua sunt omnia, inordinati & *δυσκρατοί*.

SED tempestatum omnisque efficientis causæ vis sine subiecti præparatione irrita est. Naturarum & ætatum aliæ ad alias tempestates & morbos bene vel malè comparatæ sunt. Vere pueri, ætate senes, hyeme iuuenes, autumno *μεσηλικές* salubrius viuunt. *νεογνός* tamen aphthis angitur, vomitu tussique disrumpitur, vigiliis & paucioribus agitur. Dentientem gingiuarum exulcerationes, conuulsiones (infra septennium leues) diarrhæque consequuntur. Pueri anhelitus aduenit, calculus in vesica concrefcit, lumbrici tere-tes in intestinis stabulantur, ascarides in ano nidulantur, strumæ exoriuntur. Prouectiori & pubertati quàm proximo sanguinis è naribus cursus febresque sunt diuturniores.

IVVENIS, licet robore præstans, pessimis expositus est affectibus, hæmoptysi phthoen prænuncianti, febribus acutissimis, necnon morbo comitali, qui vt cathartici cholagogis & sectione saphenæ expugnatur, sic pane vel solo vel ex succo granatorum, aut vino albo tenui oblato demulcetur. Constantis ætatis virum exercent lethargus, nunquam per viscerum consensum oriundus, phrenitis cerebri propria, diarrhææ longæ, maxime verò hæmorrhoides melancholicis & nephriticis salutares. Multa senem circumueniunt incommoda, cuius caput vertigo tentat, apoplexia premit, sensum communem exagitant vigiliæ, thoracem dyspnææ & destillationes tussiculofæ lædunt, renes torquet nephritis, vesicam dysuria & stranguria extimulant, articulos dolor excruciat, vniuersam denique vitiosi habitus corporis cutem pruritus scabiesque dilacerant.

Ergo sui ætatum ut tempestatum morbi.

Proponebat Ioannes Akakia Parisinus, anno Domini 1611.

